

UNITED STATES DISTRICT COURT FOR THE NORTHERN DISTRICT OF CALIFORNIA

Yog hais tias koj nyob hauv Medi-Cal thiab tau (los yog tsis ntev los no tau txais) Adult Day Health Care (ADHC), ntawm no yog ib tsab Notice of a Class Action Settlement (Tsab Ntawv Tshaj Tawm Txog Kev Hais Haum Ntawm Ib Rooj Plaub Uas Foob Los Ntawm Ib Pawg) Uas Tej Zaum Yuav Raug Rau Koj.

Lub tsev hais plaub hauv tsoom fww teb chaws tso cai rau tsab ntawv tshaj tawm no. Qhov no tsis yog ib qho thov kev pab cuam los ntawm ib tug kws lij choj.

Tau muaj kev foob kom Lub Tsev Hais Plaub cheem California kom tsis txhob xaus qhov kev pab cuam Medi-Cal ADHC tshwj tsis yog tias tau muaj lwm cov kev pab npaj tos rau cov neeg uas tau txais cov kev pab los ntawm ADHC. Ob tog hauv lub rooj sib foob tau hais sib haum lawm. Yog hais tias Lub Tsev Hais Plaub pom zoo rau qhov Kev Hais Haum, qhov kev pab cuam ADHC yuav xaus rau thaum Lub Ob Hlis Ntuj Tim 29, 2012. Pib Lub Peb Hlis Ntuj Tim 1, 2012 mus, koj yuav tau txais lwm cov kev pab nyob ntawm seb koj qhov teeb meem nws zoo li cas. Muaj cov lus qhia ntxaws txog cov kev pab uas yuav muaj thiab seb leej twg yuav tsim nyog rau cov kev pab twg nyob rau hauv qab no. Ntxiv rau hauv qab no yog cov lus qhia txog Daim Ntawv Pom Zoo Ntawm Kev Hais Haum uas yuav teb cov nqe lus nug uas koj muaj hais txog qhov no thiab ib qho chaw uas koj yuav mus cuag tau yog tias muaj lus nug ntxiv.

Qhov Kev Hais Haum no yuav tsis cuam tshuam koj tsab peev xwm mus cuag koj tus thawj kws kho mob mus txuas ntxiv yog hais tias tam sim no koj nyob hauv Medicare. Cov kev pab uas muaj nyob rau hauv Daim Ntawv Pom Zoo Ntawm Kev Hais Haum yuav yog ib qho uas ntxiv rau cov kev pab uas koj tab tom tau txais los ntawm Medicare.

Rooj plaub no tsis yog ib rooj rau qhov uas muaj kev puas tsuaj txog nyiaj txiag.

Lub Tsev Hais Plaub tseem yuav tau txiav txim seb puas yuav pom zoo rau Daim Ntawv Pom Zoo Ntawm Kev Hais Haum.

Tsab Ntawv Tshaj Tawm no tshab txhais txog koj cov cai thiab cov kev xaiv – thiab cov hnub kawg (deadlines) uas yuav tau ua. NYEEM TSAB NTAWV TSHAJ TAWM NO KOM ZOO ZOO.

KOJ COV CAI THIAB COV KEV XAIV HAUV QHOV KEV HAIS HAUM NO	
TSIS UA DAB TSI	Yog hais tias koj tsis ua dab tsi li, Lub Tsev Hais Plaub yuav soj ntsuam qhov Kev Hais Haum uas tsis yuav koj cov tswv yim. Koj yuav zam koj txoj cai los tawm tsam qhov uas xaus qhov kev pab cuam ADHC hauv lwm qhov kev sib foob. Yog hais tias koj tau ADHC cov kev pab tam sim no, koj tsis tas yuav teb Tsab Ntawv Tshaj Tawm no kom thiaj li tau cov kev pab uas tsim los ntawm qhov Kev Hais Haum no.
SAU NTAWV TAWM TSAM TSIS PUB DHAU LUB IB HLIS NTUJ TIM 10, 2012	Sau ntawv mus rau Lub Tsev Hais Plaub txog seb yog vim li cas koj tsis nyiam qhov Kev Hais Haum Ntxiv thiab, koj thov tawm suab tau hauv Lub Tsev Hais Plaub txog koj cov kev tawm tsam. Yuav tsum tau xa qhov koj tawm tsam mus rau Lub Tsev Hais Plaub tsis pub dhau Lub Ib Hlis Ntuj Tim 10, 2012 mas thiaj li suav rau hauv.
MUS RAU NTAWM LUB ROOJ FAIRNESS HEARING THAUM LUB IB HLIS NTUJ TIM 24, 2012	Yog hais tias koj xav tawm suab hauv lub rooj Fairness Hearing, nco ntsoov hais txog qhov ntawd rau hauv koj tsab ntawv. Tiam sis, koj tsis tas yuav tuaj rau ntawm lub rooj Fairness Hearing kom thiaj li suav qhov koj tawm tsam rau hauv los tau.

NOTICE OF CLASS ACTION SETTLEMENT AGREEMENT
(Tsab Ntawv Tshaj Tawm Txog Kev Hais Haum Ntawm Ib Rooj
Plaub Uas Foob Los Ntawm Ib Pawg)
Darling et al. v. Douglas et al., C09-03798 SBA

1. Yog vim li cas kuv tau txais Tsab Ntawv Tshaj Tawm no?

Koj tau txais tsab ntawv tshaj tawm no vim tam sim no koj tau txais los sis, ib lub sij hawm txij thaum Lub Xya Hli Ntuj Tim 1, 2011 los, tau txais cov kev pab los ntawm Medi-Cal Adult Day Health Care (ADHC) thiab suav tau tias koj yog ib tug Tswv Cuab Hauv Ib Pawg hauv lub rooj sib foob no.

Koj muaj cai paub txog kev hais haum ntawm lub rooj sib foob los ntawm ib pawg uas tau thov no, thiab txog koj cov kev xaiv, ua ntej Tsev Hais Plaub txiav txim seb puas yuav pom zoo rau qhov Kev Hais Haum. Tsab Ntawv Tshaj Tawm no tshab txhais txog rooj plaub sib foob, seb Cov Tswv Cuab Hauv Ib Pawg yuav tau dab tsi yog hais tias Lub Tsev Hais Plaub pom zoo rau qhov Kev Hais Haum, thiab koj cov cai hais txog qhov Kev Hais Haum.

Lub Tsev Hais Plaub uas saib xyuas rooj plaub yog United States District Court for the Northern District of California. Lub npe ntawm rooj plaub yog hu ua *Darling et al. v. Douglas et al.* Tus Zauv Cim Rooj Plaub yog C09-03798 SBA. Xya tus neeg koom hauv ADHC uas foob yog hu ua Tog Foob (Plaintiffs), thiab Tog Raug Foob (Defendants) yog Department of Health Care Services (DHCS) thiab nws tus Director Toby Douglas. Tag nrho lwm cov neeg uas tau txais cov kev pab los ntawm ADHC yog hu ua Cov Tswv Cuab Hauv Ib Pawg.

2. Rooj plaub no yog hais txog dab tsi?

Thaum 2009, cov neeg tau Medi-Cal Adult Day Health Care (ADHC) (Tog Foob) foob cov Raug Foob. Lawv hais kom Lub Tsev Hais Plaub cheem cov Raug Foob kom tsis txhob txo cov kev pab los ntawm ADHC, uas lawv tau nres qhov ntawd lawm. Thaum 2011, Tog Foob hais kom Lub Tsev Hais Plaub cheem cov Raug Foob kom tsis txhob xaus ADHC txoj kev pab. Lawv cam tias, tshwj tsis yog tias Cov Raug Foob muab cov kev pab los hloov ADHC, kev xaus qhov kev pab cuam yuav ua txhaum hauv Americans with Disabilities Act (ADA) thiab lwm cov cai. Xeev Cov Raug Foob tsis lees cov kev cam no.

3. Yog vim li cas qhov no yog ib rooj plaub uas foob los ntawm ib pawg?

Hauv ib rooj plaub uas foob los ntawm ib pawg, ib los sis ntau tshaj ib tug neeg, hu ua Cov Sawv Cev Pab Pawg los sis Tog Foob uas muaj npe, foob sawv cev cov neeg uas muaj cov lus hais tias muaj cai rau ib yam dab tsi (claims) uas muaj ntsis zoo tib yam. Tag nrho cov neeg no yog Cov Tswv Cuab Hauv Ib Pawg. Ib lub tsev hais plaub daws cov teeb meem rau tag nrho Cov Tswv Cuab Hauv Ib Pawg. Hauv rooj plaub no, Esther Darling thiab lwm Tog Foob uas muaj npe foob sawv cev txhua tus uas tau txais Medi-Cal ADHC txoj kev pab. Qhov kev txiav txim los ntawm Lub Tsev Hais Plaub hauv rooj plaub no yuav raug rau tag nrho Cov Tswv Cuab Hauv Ib Pawg.

4. Yog vim li cas muaj ib qho kev hais haum?

Tog Foob thiab Cov Raug Foob tau pom zoo rau ib qho kev hais haum uas lawv tau ua hauj lwm ua ke los tsim ib co kev pab cuam tshiab los hloov qhov kev pab cuam los ntawm ADHC. Cov Neeg Sawv Cev Hauv Pab Pawg thiab Tog Foob cov kws lij choj xav tias qhov Kev Hais Haum nws ncaj ncees. **Yuav muaj ib lub rooj Fairness Hearing los pom zoo rau qhov Kev Hais Haum kawg hauv U.S. District Court hauv Oakland thaum Lub Ib Hlis Ntuj Tim 24, 2012 thaum 1 teev tav su. Saib cov nqe lus nug 14-17 hauv qab no txog cov lus qhia ntxiv txog Lub Tsev Hais Plaub lub rooj hais plaub.**

NOTICE OF CLASS ACTION SETTLEMENT AGREEMENT
(Tsab Ntawv Tshaj Tawm Txog Kev Hais Haum Ntawm Ib Rooj
Plaub Uas Foob Los Ntawm Ib Pawg)
Darling et al. v. Douglas et al., C09-03798 SBA

5. Kuv yuav ua cas paub seb kuv puas yog ib feem ntawm qhov Kev Hais Haum?

Koj yog ib tug Tswv Cuab Hauv Ib Pawg thiab yog ib feem ntawm qhov Kev Hais Haum yog tias koj muaj raws li qhov kev qhia txog no:

“Tag nrho cov neeg tau txais Medi-Cal hauv State of California uas yuav tshem Adult Day Health Care cov kev pab tawm rau nws raws li hauv cov nqe lus hauv Assembly Bill 97 (AB 97) nrog rau cov neeg uas tau muaj raws li los sis yuav muaj raws li txoj kev tsim nyog tam sim no thiab cov ntsiab ntawm qhov uas tsim nyog yuav tsum tau kho mob rau ADHC tsis hais lub sij hawm twg li ua ntej Hnub Tim Pib Siv hauv qhov Kev Hais Haum no; los sis yuav muaj raws li txoj kev tsim nyog thiab cov ntsiab ntawm qhov uas tsim nyog yuav tsum tau kho mob rau Community Based Adult Services (CBAS) tsis hais lub sij hawm twg li ua ntej Tshem Tawm Daim Ntawv Pom Zoo no.”

Qhov no txhais tias koj muaj kev pov puag koj los ntawm qhov Kev Hais Haum yog hais tias koj cov kev pab los ntawm Medi-Cal ADHC tau raug tshem tawm los ntawm AB 97 los sis koj yuav tsim nyog rau ADHC ua ntej Lub Peb Hlis Ntuj Tim 1, 2012. Nws tseem txhais ntxiv tias cov neeg uas tsim nyog rau qhov kev pab tshiab, CBAS, yuav muaj kev pov puag los ntawm qhov Kev Hais Haum. AB 97 yog ib txoj cai tshiab uas tshem tawm ADHC ua ib qho kev pab los ntawm Medi-Cal.

6. Qhov Kev Hais Haum muab dab tsi?

Nyob rau hauv Daim Ntawv Pom Zoo Ntawm Kev Hais Haum, DHCS yuav teeb tsa Medi-Cal ib qho kev pab cuam tshiab hu ua Community Based Adult Services (CBAS).

- CBAS cia cov neeg uas tsim nyog hauv Medi-Cal los tau cov txuj ci zoo los ntawm kev tu xyuas neeg mob (skilled nursing care), cov kev pab neeg (social services), cov kev kho mob (therapies), cov kev pab tu tus kheej, cov kev cob qhia thiab txhawb rau tsev neeg/tus neeg muab kev pab tu xyuas, puas noj, tsheb thauj, thiab kev tswj txhooj xwm (case management) los ntawm ib lub hauv paus.
- Yuav muaj CBAS rau ADHC tej co chaw tas los uas tau kev pom zoo los ntawm DHCS los uas cov chaw muab txoj kev pab CBAS.
- CBAS yuav pib thaum Lub Peb Hlis Ntuj Tim 1, 2012.

Kev Hais Haum yuav teeb tsa “Kev Tswj Xyuas Txooj Xwm Uas Pab Kom Zoo Zog (Enhanced Case Management)” rau cov neeg uas nyob hauv ADHC, tiam sis tsis tsim nyog rau CBAS.

- Kev Tswj Xyuas Txooj Xwm Uas Pab Kom Zoo Zog yuav pab cov neeg uas tsim nyog tau cov kev pab kho mob thiab cov kev pab neeg uas lawv xav tau thaum uas ADHC xaus. Koj yuav tawm suab tau seb lawv yuav tau cov kev pab twg thiab yuav tau cov kev pab ntawd li cas.

ADHC cov kev pab yuav muaj txuas mus kom txog thaum Lub Ob Hlis Ntuj Tim 29, 2012 kom muab sij hawm rau neeg hloov ntawm cov kev pab uas lawv tau los ntawm ADHC cov chaw muab kev pab mus kom tau kev pab los ntawm CBAS cov chaw muab kev pab los sis kom pib txais tau Kev Tswj Xyuas Txooj Xwm Uas Pab Kom Zoo Zog. Tag nrho Cov Tswv Cuab Hauv Ib Pawg yuav tau txais CBAS los sis Kev Tswj Xyuas Txooj Xwm Uas Pab Kom Zoo Zog.

Qhov no tsis yog ib rooj plaub hais txog kev puas tsuaj txog nyiaj xtiag, li no Tog Foob los sis Cov Tswv Cuab Hauv Ib Pawg yuav tsis tau nyiaj them rau qhov uas yog ib feem hauv rooj plaub sib foob.

NOTICE OF CLASS ACTION SETTLEMENT AGREEMENT
(Tsab Ntawv Tshaj Tawm Txog Kev Hais Haum Ntawm Ib Rooj
Plaub Uas Foob Los Ntawm Ib Pawg)
Darling et al. v. Douglas et al., C09-03798 SBA

7. Yuav muaj dab tsi tshwm sim rau kuv hauv Kev Hais Haum?

- Yog hais tias koj tau Medi-Cal thiab nyob hauv ADHC tam sim no:
 - Yuav soj ntsuam koj rau CBAS kwv yees li thaum Lub Kaum Ob Hlis Ntuj 2011 mus rau Lub Ob Hlis Ntuj 2012. Koj qhov chaw muab ADHC yuav muab cov lus qhia ntxiv rau koj txog txoj kev soj ntsuam.
 - Yog tias koj tsim nyog rau CBAS, koj yuav tau txais cov kev pab no sai li sai tau thaum uas ADHC cov kev pab xaus, Lub Peb Hlis Ntuj Tim 1, 2012.
 - Yog hais tias koj tsis tsim nyog rau CBAS, Lub Ob Hlis Ntuj Tim 29, 2012 yuav yog hnuv kawg uas koj yuav tau txais ADHC cov kev pab. Koj yuav tau Kev Saib Xyuas Txooj Xwm Uas Pab Kom Zoo Zog cov kev pab los pab koj hloov mus rau lwm cov kev pab uas koj xav tau.
- Yog hais tias koj tau Medi-Cal tiam sis tsis nyob hauv ADHC tam sim no:
 - Koj tseem thov tau ADHC kom txog Lub Ob Hlis Ntuj Tim 29, 2012.
 - Koj hais tau kom soj ntsuam koj rau CBAS.

8. Kuv yuav ua cas paub tias kuv tsim nyog rau CBAS?

Koj yuav txais tau CBAS yog hais tias koj nyob hauv Medi-Cal THIAB tam sim no tsim nyog rau ADHC, THIAB:

- Xav tau kev tu xyuas los ntawm kws ntsuam mob kom txaus kom ncav qhov “Nursing Facility Level of Care A” (NF-A) los sis siab dua ntawd; LOS SIS
- Muaj kev puas hauj sim mus rau kev puas loj ntawm kev paub xav, suav Alzheimer’s Disease hauj sim mus rau kev puas loj los sis lwm cov kev mob uas ua rau tsis nco qab zoo (dementia) tib si; LOS SIS
- Muaj ib qho kev tsis taus ntawm kev loj hlob; LOS SIS
- Muaj ib qho kev tsis taus ntawm kev xav uas tsis zoo tsis phem mus rau hauj sim, suav Alzheimer’s los sis kev mob uas ua rau tsis nco qab zoo THIAB xav tau kev pab los sis kev saib xyuas nrog ob qho nram qab no: kev da dej, hnav khaub ncaws, pub tus kheej noj, siv chav dej, txav mus los, hloov chaw, tswj kev noj tshuaj, los sis kev tu tus kheej kom du lug; LOS SIS
- Muaj kev puas siab puas ntsws mus ntev los sis raug mob rau lub hlwb THIAB xav tau kev pab los sis kev saib xyuas hauv ob qho nram qab no: kev da dej, hnav khaub ncaws, pub tus kheej noj, siv chav dej, txav mus los, hloov chaw, tswj kev noj tshuaj, thiab kev tu tus kheej kom du lug; LOS SIS xav tau ib qho li hais saud thiab ib qho nram qab no: kev tswj nyiaj txiag, kev mus cuag cov kev pab, kev npaj puas noj, thiab tsheb thauj mus los.

NOTICE OF CLASS ACTION SETTLEMENT AGREEMENT
(Tsab Ntawv Tshaj Tawm Txog Kev Hais Haum Ntawm Ib Rooj
Plaub Uas Foob Los Ntawm Ib Pawg)
Darling et al. v. Douglas et al., C09-03798 SBA

9. Yog hais tias soj ntsuam kuv tas thiab kuv tsim nyog, kuv puas yuav cia li tau CBAS?

Tau. Thaum uas pom tias koj tsim nyog rau CBAS, koj yuav tau cov lus qhia txog seb yuav koom li cas yog hais tias muaj CBAS ib qho chaw hauv qhov chaw koj nyob. Yog hais tias tsis muaj CBAS ib qho chaw hauv qhov chaw koj nyob, koj yuav tau cov kev pab uas muaj ntawm CBAS cov chaw, tiam sis los ntawm lwm qhov chaw muab kev pab.

- Thaum Lub Peb Hlis Ntuj Tim 1, 2012 mus txog rau kwv yees li ntawm Lub Xya Hli Ntuj Tim 1, 2012, yuav muaj CBAS los ntawm Medi-Cal li niaj zaus (regular). Qhov kawg, yuav muaj CBAS feem ntau los ntawm Medi-Cal kev kho mob uas muaj kev tswj xyuas (managed care).
- Thaum uas muaj CBAS feem ntau los ntawm Medi-Cal kev kho mob uas muaj kev tswj xyuas lawm, yog hais tias koj nyob hauv lub nras (county) uas muaj Medi-Cal kev kho mob uas muaj kev tswj xyuas, thiab koj tsim nyog koom rau hauv ib lub hom phiaj kho mob uas muaj kev tswj xyuas, koj tsuas yuav tau CBAS los ntawm kev kho mob uas muaj kev tswj xyuas XWB.
 - Yog hais tias koj koom hauv Medi-Cal kev kho mob uas muaj kev tswj xyuas tsis hais lub sijhawm twg ua ntej Lub Xya Hli Ntuj Tim 1, 2012, los sis yog hais tias koj twb koom rau hauv Medi-Cal kev kho mob uas muaj kev tswj xyuas lawm, koj lub hom phiaj kho mob uas muaj kev tswj xyuas yuav them rau CBAS thaum uas nws los ua ib qho kev xaiv hauv kev kho mob uas muaj kev tswj xyuas. Koj tsis tas yuav hloov dab tsi li kom tau CBAS mus txuas ntxiv.
 - Yog hais tias koj koom tau rau hauv Medi-Cal kev kho mob uas muaj kev tswj xyuas tiam sis tsis koom tam sim no lawm, koj yuav tau mus koom thiaj li tau CBAS thaum uas muaj los ntawm Medi-Cal kev kho mob uas muaj kev tswj xyuas.
 - Yog hais tias koj tau Medicare, kev koom rau hauv Medi-Cal kev kho mob uas muaj kev tswj xyuas **YUAV TSIS** cuam tshuam dab tsi rau koj tsab peev xwm los xaiv koj cov kws kho mob hauv Medicare.
- Yog hais tias koj nyob hauv ib lub nras uas tsis muaj Medi-Cal kev kho mob uas muaj kev tswj xyuas los sis koj tsis tau kev kho mob uas muaj kev tswj xyuas, koj tsis tas yuav hloov dab tsi li kom tau CBAS mus txuas ntxiv. Koj yuav tau CBAS mus txuas ntxiv ua ib qho kev pab los ntawm Medi-Cal li niaj zaus.

10. Kuv Puas Tseem Yuav Mus Tau Rau Ntawm Tib Qho Chaw Qub kom Tau CBAS?

Nyob ntawm seb zoo li cas. Muaj ntau ADHC cov chaw yuav muaj CBAS. ADHC cov chaw yuav thov tau lub xeev kom los ua tau ib qho chaw muab CBAS. Yog hais tias koj tsim nyog rau CBAS thiab koj ADHC qhov chaw tau kev pom zoo los ua ib qho chaw muab CBAS thaum Lub Ob Hlis Ntuj Tim 29, 2012, koj yuav tau txais cov kev pab mus txuas ntxiv los ntawm tib qho chaw thaum uas ADHC xaus. Yog hais tias koj ADHC qhov chaw tsis los ua ib qho chaw muab CBAS, yuav muab cov lus qhia rau koj tswj lwm cov chaw uas muab CBAS.

NOTICE OF CLASS ACTION SETTLEMENT AGREEMENT
(Tsab Ntawv Tshaj Tawm Txog Kev Hais Haum Ntawm Ib Rooj
Plaub Uas Foob Los Ntawm Ib Pawg)
Darling et al. v. Douglas et al., C09-03798 SBA

11. Yuav ua li cas yog tias kuv tsis tsim nyog rau CBAS?

Yog hais tias koj nyob hauv ADHC, tiam sis tsis tsim nyog rau CBAS, koj yuav tau Kev Saib Xyuas Txooj Xwm Uas Pab Kom Zoo Zog los pab koj kom tau kev pab kho mob thiab cov kev pab neeg uas koj xav tau tom qab ADHC xaus. Cov neeg saib xyuas txooj xwm (case managers) hauv qhov kev pab cuam no yuav ua hauj lwm nrog koj kom koj thiaj li tawm suab tau seb koj yuav tau cov kev pab twg thiab seb koj yuav tau cov ntawd li cas.

Koj yuav xaiv tau Kev Saib Xyuas Txooj Xwm Uas Pab Kom Zoo Zog ua ib qho kev pab los ntawm Medi-Cal li niaj zaus los sis los ntawm Medi-Cal kev kho mob uas muaj kev tswj xyuas.

12. Kuv puas muaj ib tug kws lij choj hauv rooj plaub?

Muaj. Disability Rights California, National Senior Citizens Law Center, National Health Law Program, AARP Foundation Litigation, thiab Morrison & Foerster LLP kws lij choj hais plaub tau kev pom zoo los ntawm Lub Tsev Hais Plaub los sawv cev koj thiab lwm Cov Tswv Cuab Hauv Ib Pawg. Ua ke, cov kws lij choj yog hu Kws Lij Choj Hauv Pab Pawg (Class Counsel). Koj yuav tsis tau them cov kws lij choj no.

13. Yuav them cov kws lij choj li cas?

Yog hais tias pom zoo rau qhov Kev Hais Haum, Cov Raug Foob yuav them cov kws lij choj cov nqi rau Tog Foob cov kws lij choj rau lawv txoj hauj lwm hauv rooj plaub. Lub Tsev Hais Plaub yuav tsum tau pom zoo rau tus nqi ntawm cov nqi. Tog Foob thiab cov Raug Foob yuav hais kom Lub Tsev Hais Plaub pom zoo rau cov nqi ntawm \$2.2 roob rau txoj hauj lwm uas tau ua 2-1/2 xyoo tas los. Lawv yuav hais kom Lub Tsev Hais Plaub pom zoo txog \$400,000 rau Tog Foob cov kws lij choj los saib xyuas qhov Kev Hais Haum mus 2-1/2 xyoo tom ntej no. Koj yuav tsis tau them cov kws lij choj.

14. Kuv cov kev xaiv txog qhov Kev Hais Haum yog dab tsi?

Koj tsis ua dab tsi los tau, thiab koj yuav nyob twj ywm ua ib Tus Tswv Cuab Hauv Ib Pawg. Koj sau ntawv tau mus rau Lub Tsev Hais Plaub es qhia seb yog vim li cas koj ho tsis nyiam qhov Kev Hais Haum, thiab xa mus tsis pub dhau Lub Ib Hlis Ntuj Tim 10, 2012. Yog hais tias koj xav tawm suab hauv lub rooj Fairness Hearing thaum Lub Ib Hlis Ntuj Tim 24, 2012, koj YUAV TSUM hais txog qhov ntawd rau hauv koj tsab ntawv. Nws yog nyob ntawm Lub Tsev Hais Plaub seb puas yuav cia koj tawm suab hauv lub rooj sib hais. Tiam sis, koj tsis tas yuav tuaj rau hauv Lub Tsev Hais Plaub thaum Lub Ib Hlis Ntuj Tim 24, 2012 ntawd es kom thiaj li yuav suav qhov koj tsis pom zoo rau hauv los tau.

15. Yog hais tias pom zoo rau qhov Kev Hais Haum, qhov ntawd txhais li cas?

Yog hais tias pom zoo rau qhov Kev Hais Haum no, yuav tau CBAS los sis Kev Saib Xyuas Txooj Xwm Uas Pab Kom Zoo Zog nyob ntawm seb koj qhov teeb meem nws zoo li cas. Koj yuav ua tsis tau ib feem hauv lwm rooj plaub lawm txog seb California puas yuav xaus tau qhov kev pab los ntawm Medi-Cal ADHC.

NOTICE OF CLASS ACTION SETTLEMENT AGREEMENT
(Tsab Ntawv Tshaj Tawm Txog Kev Hais Haum Ntawm Ib Rooj
Plaub Uas Foob Los Ntawm Ib Pawg)
Darling et al. v. Douglas et al., C09-03798 SBA

16. Kuv yuav qhia rau Lub Tsev Hais Plaub tau li cas yog hais tias kuv tsis nyiam qhov Kev Hais Haum?

Yog hais tias koj yog ib Tug Tswv Cuab Hauv Ib Pawg, koj yuav qhia tau rau Lub Tsev Hais Plaub tias koj tsis pom zoo txog qhov Kev Hais Haum los sis ib feem ntawd uas xa ib tsab ntawv nrog koj cov kev tawm tsam tuaj tsis pub dhau Lub Ib Hlis Ntuj Tim 10, 2012. Koj yuav sau tau tsab ntawv koj tus kheej los sis kom ib tug kws lij choj sau rau koj uas koj them cov nqi koj tus kheej.

Yog yuav tawm tsam, koj yuav tsum tau xa tsab ntawv mus rau Lub Tsev Hais Plaub hais tias koj tawm tsam, thiab qhia seb yog vim li cas koj ho tawm tsam. Nyob rau sab saum toj hauv tsab ntawv, nco ntsoov muab koj lub npe, qhov chaw nyob, tus xov tooj, thiab sau *Darling et al. v. Douglas et al., C09-03798 SBA*. Nco ntsoov kos npe rau hauv koj tsab ntawv.

Xa daim qauv tseem txog cov kev tawm tsam mus rau Tus Neeg Tuav Ntaub Ntawv (Clerk) hauv Lub Tsev Hais Plaub thiab xa cov qauv ntawm tsab ntawv mus rau ob tog cov Kws Lij Choj. Yuav tsum tau xa qhov kev tawm tsam mus rau peb qho chaw sib txawv no tsis pub dhau **Lub Ib Hlis Ntuj Tim 10, 2012:**

<p><u>Clerk of the Court:</u> U.S. District Court 1301 Clay Street Oakland, CA 94612</p> <p><u>Reference:</u> <i>Darling et al. v. Douglas et al.</i>, Case No. C09-03798 SBA</p>	<p><u>Attorneys for Class Members:</u> Elissa Gershon Disability Rights California 1330 Broadway, Suite 500, Oakland, CA 94612</p> <p>ATTN: <i>Darling v. Douglas</i></p>	<p><u>Attorneys for DHCS:</u> Susan M. Carson Office of the Attorney General 455 Golden Gate Avenue, Suite 11000 San Francisco, CA 94102-7004</p>
--	---	---

17. Lub Tsev Hais Plaub yuav txiav txim thaum twg thiab qhov twg txog seb puas yuav pom zoo rau qhov Kev Hais Haum?

Lub Tsev Hais Plaub yuav muaj ib lub rooj Fairness Hearing los txiav txim seb puas yuav pom zoo rau qhov Kev Hais Haum thaum **Lub Ib Hlis Ntuj Tim 24, 2012 thaum 1 teev tav su**. Lub Tsev Hais Plaub yuav txiav txim seb qhov Kev Hais Haum puas ncaj ncees, muaj haj tom, thiab zoo txaus. Tus Kws Txiav Txim yuav mloog Cov Tswv Cuab Hauv Ib Pawg uas tau thov tawm suab hauv lub rooj hais plaub. Koj yuav tuaj koom tau txawm tias koj tsis xav tawm suab. Lub rooj hais plaub yuav muaj nyob rau ntawm:

United States District Court
 Northern District of California
 1301 Clay Street
 Courtroom 1, 4th Floor
 Oakland, CA 94612

NOTICE OF CLASS ACTION SETTLEMENT AGREEMENT
(Tsab Ntawv Tshaj Tawm Txog Kev Hais Haum Ntawm Ib Rooj
Plaub Uas Foob Los Ntawm Ib Pawg)
Darling et al. v. Douglas et al., C09-03798 SBA

18. Yuav ua li cas yog hais tias kuv tsis ua dab tsi li?

Yog hais tias koj tsis ua dab tsi li, koj yuav nyob twj ywm ua ib Tug Tswv Cuab Hauv Ib Pawg. Yog hais tias pom zoo rau qhov Kev Hais Haum no, yuav tau CBAS los sis Kev Saib Xyuas Txooj Xwm Uas Pab Kom Zoo Zog nyob ntawm seb koj qhov teeb meem zoo li cas. Koj yuav ua tsis tau ib feem hauv lwm rooj plaub lawm txog seb California puas yuav xaus tau qhov kev pab los ntawm Medi-Cal ADHC.

TAU COV LUS QHIA NTXIV

19. Kuv yuav tau cov lus qhia ntxaws ntxiv txog qhov Kev Hais Haum li cas?

Yuav kom tau cov lus qhia ntxiv, xav tau ib daim qauv ntawm Daim Ntawv Pom Zoo Ntawm Kev Hais Haum no, los sis xav tau kev pab tawm tsam rau Lub Tsev Hais Plaub, koj yuav nug tau rau Disability Rights California:

darling@disabilityrightsca.org	(888) 599-3921
--------------------------------	----------------

20. Kuv yuav tau cov lus qhia ntxiv txog rooj plaub li cas?

Koj yuav tau cov lus qhia ntxiv txog rooj plaub los ntawm qhov saib cov ntaub ntawv rau rooj plaub hauv lub chav fai ntawm Clerk of the U.S. District Court nyob rau qhov chaw nyob hauv nqe lus nug 17. Koj tseem yuav xyuas tau qhov Kev Hais Haum tag nrho thiab tau lwm cov lus qhia ntawm:

- <http://www.disabilityrightsca.org/advocacy/Darling-v-Douglas/index.html>
LOS SIS
- <http://www.dhcs.ca.gov/services/medi-cal/Pages/ADHC/ADHC.aspx>

21. Kuv yuav tau cov qauv ntawm tsab ntawv tshaj tawm no ua lwm hom lus los sis lwm yam ntawv los pab cov neeg uas muaj kev tsis taus li cas?

Yog hais tias koj xav tau ib daim qauv ntawm tsab ntawv tshaj tawm no ua lwm hom lus, muaj ib qho kev tsis taus thiab xav tau kev pab xws li ua lwm hom ntawv txog daim ntawv tshaj tawm (piv txwv li, Braille (rau cov neeg tsis pom kev), los sis sau ua cov ntawv loj), los sis lwm txoj kev los nug cov lus nug txog tsab ntawv tshaj tawm (piv txwv li, ib tug neeg txhais lus piav tes), koj yuav:

- Nug tau Tog Foob tus kws lij Disability Rights California ntawm (888) 599-3921;
LOS SIS
- Mus xyuas Disability Rights California los sis DHCS cov vas sab (websites) uas muaj nyob hauv Nqe Lus Nug 20.